

14

INGENVO ATQVE  
DOCTO IVVENI TIBVR  
TIO SIGEL HEIDENFELDEN  
si Franco, sacrarum LL. studioso, Vvi  
teberga in patriam redituro xii, Kal:  
Xbr: perscr.

A  
PETRO ALBINO  
NIVEMONTIO.



VVITEBERGÆ  
*Excudebant Clemens Schleich &  
Antonius Schöne.*  
M. D. LXXII.



*Ex donis Casparis Maroldi  
coniunctoris mei suavisissimi.  
Ao 77. Mense Junio*

657

C. 657



Vod reditum Tibiaca moliris ab Vrbe T I.

BVRTI

Ad patriæ fines & amica Herbæpolis

arua,

Causa subest fors an grauis. I quo numine dextro  
Fata trahunt occulta. Nec isto tempore votis  
Non locus, eia adeò bona verba precabor: eunti  
Sit comes alma salus & sors optata, sequantur  
Successus faciles digressum atq; integra fama:  
Quandoquidem haud superi quicquam præclarius illa  
Concessere hominum generi, si vera fatemur.

Indultum satis est precibus. Frontem erige paulum  
Et conuiue tuis, quos hæc tibi terra TIBVRTI  
Iunxit amicitia, quorum tibi pectora fida  
Religiosa fides vinculis astrinxit ahenis.  
Quis scit an ista dies nobis reditura sit vnquam,  
Nunquam illa est reditura. Quis has te casus ad oras  
Refferet? at nullus fors an. Da tempus amicis  
Perbreue, Mens hilaris motusq; in corde serenus  
Dimidium vitæ est. Abeat, quem tristia vexant  
Monstra senescentis curæ & nil proficientis:  
Sis mæstus, cuicunq; placet mæstum esse, dolorq;  
Vltrò quem iuuat accitus, gelidig; timores:  
Mî bona vita placet, mî nutrimenta iuuentæ  
Dulce sodalitium, sed cui non desit honestas.

Primùm etenim me felices ante omnia Musæ

A ij

Qua

Quarum sacra fero ingenito percussus amore  
Accipiant, Themidosq; vias & Delphica monstrent  
Oracla, vt studij partem sibi vendicet olim  
Dius honos, cui debemus nos nostraq; partem  
Patria cara sibi, partem de in sanguine iuncti.  
Sin, possim assiduo ne istis incumbere rebus,  
Obstiterit vegetus circum praecordia sanguis,  
Liberior paulo mihi vita diesq; beati  
Obueniant, festinaq; gaudia propicijs dijs.  
Agmina amem turbasq; iocosior, o vbi cantus  
Ambrosij, testude sonans, panduris acuta,  
Tibia rurestris, lyra saltidica, ordine in illo  
Sistar & ad numerum modulantibus expleat auris.

Felix qui studijs sine fine vacare seuerjs  
Atq; moras omnes potuit praecidere, & ansis  
Desidia opposuit non expugnabile pectus.

Fortunatus & ille, bono qui carmine gaudet,  
Euterpenq; Eratoq; colit Cliog; sorores.  
Nam curas iuuenum in medio seu fallit inanes,  
Seu pro se expellit Cyrrhaeis abditus antris,  
Illum non taciti horrores gemitusq; profundi  
Exercent aegrum, non tristis amaror anhelum  
Mordaces adedit stimulos adhibendo, neq; ille  
Nostris hostem generis vel hiantem exhorruit Orcum,  
Spem vultu interdum simulauit, corde dolores,  
Si qui aderant, pressit, Spartamq; ornauit adeptam

Sorte

Sorte sua contentus, ouans, nec damna prioris  
Temporis enumerans, fieri quæ infecta nequirent.

Sollicitant alios alij, dum tristia cernunt  
Ducere spiramenta animæ, nec tollere vultus,  
Qui se subducunt à consuetudine dulci.  
In ferrum ruit ille suum in æroribus ætus.  
Hic properat stygias desperabundus ad arces.  
Mentis auaræ alius scelerata nouerca sibi ipsi est,  
Vndiq; corradit, prauè corrasa recludit,  
Alget, eget, sitit, esurit, adq; suprema vbi ventum est,  
Condit opes partas, defossoq; incubat auro,  
Mille vel & miserum infestant de nocte latrones.  
Hic stupet attonitus, nec risu diffluit ante  
Pusio quam fornace cadat formosus ab alta,  
Μισῶν ἀνθρώπων, nec amans, nec amatus ab vlllo.

At animi securus agit non prodiga vitæ  
Tempora, cordatus, præsens in sorte secunda  
Aduersaq; simul, quid enim se torqueat? inquit:  
Quod possum facio, committo cætera diuis:  
Cor quid conturbare meum, suspiria quid cor  
Ducis? fide Deo, rerum omnium abundat is vnus:  
Gaudia quis concessa vetet, quis carpat ouantem,  
Si metas idem non transgrediatur honesti?  
Dimidia mihi luce frui dent numina cæptis  
Delicijs, dent leticiam hanc magis esse perennem.  
Ergo dies agitat festos, notog; sodali

Iungitur, vt pressum leuet, aut releuetur ab ipso.  
Quos nulla arcanos prorsus commercia tangunt,  
Quiq; sodalitiū fugitant, (est nobile dictum,  
At vulgare quidem) aut Dij sunt proprij omine læuo,  
Aut stolidi, sensus quos falsos ludit inanis.  
Quisquis es ac optas longæuam ducere vitam,  
Viue tibi quantumq; potes suspiria vita,  
Suspirantis enim per sæpe, citissima mors est.

Quare age & ante abitum frontē paulisper amicā  
Erige, coniunctisq; tibi conuiue TIBVRTI,  
Si te Leucoridum tangit cura vlla Dearum,  
Si tibi & Argelicæ flectunt præcordia gemmæ.

Hoc superest. te fata beent in Francidos oræ,  
In dulcis gremio patriæ, vt sis sospes, & olim  
Fida ministeria atq; addictos mille labores  
Prostituas illi, ceu fas scis esse piumq;  
Consueto non more tuas laudauero dotes  
Nunc benè, quod vulgus vatum solet, ipse videbis  
Vt tua te virtus laudet præcone tacente,  
Vt decus ingenij & quæsitæ in montibus artes  
Egregiæ Albinis, morumq; ostendat honestas,  
Nil opus esse tibi vanarum vllò agmine laudum.

Petrus Albinus Niuemontius.

SVO TIBVRTIO  
SIGEL.

**C**andide Leucorea quod iam discedis ab vrbe,  
Id mihi materiam scribere pauca dedit.  
Scilicet vt (nostrum quod poscit pignus amoris)  
De nostra dicam paucula verba fide.  
Non tantum Pylades fidum est amplexus Oresten,  
Nec Niso carus tam fuit Eurialus.  
Qualis amicitiae mihi tecum contigit vsus,  
Qui mihi sincero pectore iunctus eras.  
Ah quoties dixi non te mihi carior vllus,  
Ah quoties dixi, tu mihi frater eris.  
Quae placuere tibi mihi complacuisse solebant,  
Et placurere tibi, quae placuere mihi.  
Candide sincero mihi tu deuinctus amore es,  
Dissoluet nostram nulla ruina fidem.  
Sed quia iam non te comitari corpore possum  
Mente, comes quò sim, te tamen vsq; sequar.  
Ne desint comites sed sis comitatus abunde,  
Huic sis alma **DEVS** duxq; comesq; viae.  
Ito bonis auibus, nec amici esto immemor huius,  
Atq; sit aeternus qui benè cepit amor.  
Quod superest, opto vincas vt secula corui,  
Vinas Mathusalem, Nestoris atq; dies.

*Ipsè*

*Ipse tibi Pylades, & eris mihi fidus Orestes,  
Ipse tibi Eurialus, tu mihi Nisus eris.*

*T. Dilectiss:*

*B. M. A.*

